



24. oktober 2019

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattunik apeqquteqaateqarpunga:

Naalakkersuisunut apeqqutit:

- 1. Innuttaasut akileraartussaataitaasut ukiumut 150.000kr tikillugu isertitallit, pisortanut akiitsui tamakkerlugit isumakkeerneqassagaluarpata inatsisitigut suut aporfittut taaneqarsinnaappat?**
 - a. Allaffissornikkut suut aporfittut taaneqarsinnaappat?**
 - b. Suleriaatsikkut suut aporfittut taaneqarsinnaappat?**
- 2. Innuttaasut akileraartussaataitaasut ukiumut 150.000kr tikillugu isertitallit, pisortanut akilersugassatut taartisiat tamakkerlugit isumakkeerneqassagaluarpata inatsisitigut suut aporfittut taaneqarsinnaappat?**
 - a. Taamaaliortoqassappat pisortat tamakkiisumik isigalugit aningaasatigut tamanna qanoq kinguneqarsinnaava?**
 - b. Allaffissornikkut suut aporfittut taaneqarsinnaappat?**
 - c. Suleriaatsikkut suut aporfittut taaneqarsinnaappat?**
- 3. Tassunga tunngasumik allamik Naalakkersuisut paasissutissiissutissaateqarnerpat?**

(Inatsisartunut Ilaasortat Peter Olsen, Inuit Ataqatigiit)

Tunngavilersuut:

Naluneqanngitsutut ukiuni kingullerni arlaqalersuni innuttaasut pisortanut akiitsui 1.mia. missaani amerlassuseqartuarsimasut.

Akiitsut akiitsunillu akilersuineq pillugu Naalakkersuisut nassuiaataat 2017-meersoq malillugu innuttaasut akileraartussaataitaasut ukiumut 150.000,- ataallugit isertitalinni akiitsuisa annersaat tassaapput meeqqanut akilersuutitut akiitsut, taakkulu amerlassussaataat tassaavoq 256.608t.kr. ineqarnermut akiligassanut akiitsut 50.277t.kr., ilinniarnermi taarsigassarsiat 10.846t.kr., taavalu akileraartussat sinnerinut ernianunullu 20.508t.kr.

Nassuiaammi takuneqarsinnaavoq innuttaasut ukiumut 150.000.kr ataallugu isertitaqartartuusut akiitsui katillugu 380.983t.kr.-iusut.

Nassuiaammi oqariartuutigineqartut ilaat tassaavoq akiitsullip akiliisinnaasussaa ima annikitsigisartooq allaat akiitsut pisoqalisoorsinnaasarlutik aallaallumi qaqugumulluunniit akiitsummik akiliinngisaannartussatut oqariartuutigineqarsimallutik.

Qinnutigissavara apeqquteqaatima ullut suliffiusut qulit iluanni akineqarumaartut.